

Mi ta wak Aruba

Ora mi mira den bo wowonan bunita blauw, mi ta wak
 E movimiento di algun cosnan misterioso den mi
 Mi ta pensa riba nos amor y nos bida
 Mi ta pensa riba tur e luganan cu nos a bishita aki na Aruba
 Nos puente natural, Casibari y Barancanan di Ayo
 Baby Beach y mas di e luganan di mas bunita,
 cu mi conoce awor.....
 Bo sa, un manera of otro, e ta haci dolor
 Mi ta pensa unda tur nos a bay
 of kico tur nos ta laga atras...
 Mi ta wak hopi escenario ta bin bay
 Sin miedo mas den mi curason
 Gratiitud, fe y amor ta tuma over
 Y un biaha mas mi ta sinti e bunitesa di
 tur locual mi ta den bo, cu bo, traves di bo,
 Tur cos cu mi tin, ora mi confia, ora mi haci
 ora mi ta ken mi ta...

Ruthy Vrieswijk-Bergen



Briya Aruba, briya

Aruba, mi isla inspira den un solo radiante
 Bo ta mi hogar, mi soño, mi number un
 Ora cu lama ta papia suave den mi horea
 mi ta scucha bo cancion
 Mi sa cu bo t'ey
 Gotanan di bunitesa ta caricia mi alma
 Expresionnan di amor na abundancia
 Mi ta bendiciona pa biba aki, traha y comparti
 Mi ta bendiciona pa ta un creacion di Dios
 Mi ta resa pa bendicion pa mi pais
 Y ora un dia Bo yama mi pa bay mas aya
 Den mi curason semper Bo ta.....
 Briya Aruba, ...briya riba mi caminda.....

Ruthy Vrieswijk-Bergen

"Amor Na Bo Pais"

Riba un 18 di maart 1976 a wordo canta
 e Dushi Himno di Aruba pa prome biaha
 hisando e bandera na laira a ser decreta
 cu Aruba porfin a logra haya cu tur honor
 su Himno y Bandera mustrando su color
 blauw ta e lama cu ta rondona nos Isla
 Geel ta color di solo cu ta duna e energia
 na su pueblo humilde, amabel y cordial
 e strea ta mostra e cuater punto special
 di e stranheronan cu ta bin bishita e Isla
 e color cora ta Amor sincero cu ta brota
 di cada un Arubiano cu tin nobel curason
 e rand blanco ta simbolisa pureza y balor
 di cada un Arubiano cu ta lucha sin temor
 tambe ta refleha e santo blanco di lama
 cu Papa Dios a crea pa goso di su yiunan.

Awe cu orguyo y honor mi por grita "Arubiano Mi Ta"

Omaira Rodriguez-Britten